




# Republika e Kosovës


Republika Kosova - Republic of Kosovo



# AGJENCIA KUNDËR KORRUPSIONIT

## AGENCIJA PROTIV KORRUPCIJE

### ANTI - CORRUPTION AGENCY



DATË/A:	16/04/2019	Broj stranica Nr. pages	04	Datum Date	16.04
PRISHTINË					
REFERENC-Ë:	<b>AKK- DPKPP /03-03-760/19</b>				
PËR/ZA/TO:	z. Bekim DAKAJ, Menaxher i Divizionit të Prokurimit në Akademinë e Kosovës për Siguri Publike				
CC:	z. Ismail SMAKIQI, Drejtësor i Përgjithshëm i Akademisë së Kosovës për Siguri Publike				
PËRMES/PREKO/THROUGH:	Shaip HAVOLLI, Drejtësor i Agjencisë kundër Korrupsionit				
NGA/OD/FROM:	Afrim ATASHI, Drejtësor i Departamentit për Parandalimin e Korrupsionit				
TEMA/SUBJEKAT/SUBJECT:	Opinion lidhur me Tenderin "Shërbimet e përgatitjes dhe furnizimit me ushqim për nevojet e AKSP-ë"				

A circular stamp with the text "REPUBLICA KAZAKHSTAN" around the perimeter and "AGENCIJA KUM" in the center.

Inderuari z. Dakaj,

Në mbështetje të nenit 142 (par. 3) të Kushtetutës së Republikës së Kosovës, nenit 5 (par. 1, nënpar. 1.1.) dhe 21 të Ligjit nr. 03/L-159 për Agjencinë kundër Korrupsionit, nenit 9 (par. 1, nënpar. 1.5.), 16 (par. 2) dhe 21 (par. 3 ) të Ligjit nr. 06/L-011 për Parandalimin e Konfliktit të Interesit në Ushtrimin e Funksionit Publik, nenit 2 par.3 dhe të nenit 10 të Rregullores nr. 01/2018 për ndryshimin dhe plotësimin e Rregullores nr. 01/2014 dhe Rregullores nr. 01/2017, së Punës së Agjencisë kundër Korrupsionit, lidhur me tenderin me titull: "**Shërbimet e përgatitjes dhe furnizimit me ushqim për nevojat e AKSP-së**", me numër të prokurimit: 214-19-1726-2-1-1, dhe me nr. të brendshëm: 214/19/09/211, Agjencia kundër Korrupsionit ofron këtë:

## OPINION

Me të cilin kërkohet nga ju si Autoritet kontraktues që t'i ndërmerrni të gjitha veprimet e nevojshme drejt evitimit të shkeljeve të evidentuara në lidhje me tenderin me titull: "Shërbimet e përgatitjes dhe furnizimit me ushqim për nevojat e AKSP-së", me numër të prokurimit: 214-19-1726-2-1-1, dhe me nr. të brendshëm: 214/19/09/211, në mënyrë që të respektohen dispozitat përkatëse të Ligjit për prokurimin publik nr.04-L/042 i plotësuar dhe ndryshuar me Ligjin nr.04/L -237, Ligjin nr. 05/L-068 dhe Ligjin nr. 05/L-092.

### *Arsyetime*

Agjencia kundër Korruptionit (në tekstin e mëtejmë Agjencia), duke vepruar sipas detyrës zyrtare pas kontrollimit të njoftimeve për konratë që ka bërë në Sistemin elektronik të Prokurimit, me datë 15/04/2019, ka nxjerrë vendim me numër protokoll: DPK-03-03-760/19, për fillimin e procedurës për trajtimin e rastit në lidhje me aktivitetin e prokurimit publik me titull: "Shërbimet përgatitjes dhe furnizimit me ushqim për nevojat e AKSP-së", me numër të prokurimit: 214-19-1726-2-1-1, dhe me nr. të brendshëm: 214/19/09/211, i iniciuar nga Autoriteti kontraktues Akademia e Kosovës për Siguri Publike.

Agjencia në bazë të dokumenteve të nxjerra nga Sistemi Elektronik i Prokurimit ka analizuar njoftimin për konratë dhe dosjen e tenderit, ku ka konstatuar se Autoriteti kontraktues, për këtë aktivitet të prokurimit ka paraparë procedurën e hapur, konratë publike kornizë në kohëzgjatje prej 36 muaj të parashikuar në shumë prej 1,500,000.00 €.

Agjencia, pasi ka analizuar me kujdes njoftimin për konratë, dosjen e tenderit dhe specifikimet teknike, vëren se tek lista e furnizimit me artikuj ushqimor, autoriteti kontraktues ka emërtuar artikujt si në vijim: tek Tabela A- Mëngjesi: **artikulli nr. 20. Eurocrem 100gr, tabela B –Dreka: artikulli nr. 6. Coca Colla, fanta, schweps, sprite etj, tabela E ushqim i paketuar: artikulli nr.5 Coca cola 330ml, si dhe tabela H- pije të ngrohta dhe të ftohta: artikulli nr. 6. Ness kafe klasike, artikulli nr. 7. Ness kafe vanilje,** artikuj të cilat janë specifikuar nga njësia kërkuese në atë mënyrë që i përshtatën prodhuesve te caktuar dhe eliminojnë prodhuesit tjera.

Agjencia kundër Korruptionit konsideron se Autoriteti kontraktues më konkretisht Njësia Kërkuese duhet të ketë kujdes dhe t'i përpilojë specifikimet teknike në atë mënyrë që të jenë të hapura për të gjithë operatorët ekonomik të cilët mund të bëjnë furnizimet e tillë. Autoriteti kontraktues është veçanërisht i ndaluar që të hartojë specifikime teknike që favorizojnë ose diskriminojnë një ose më shumë operatorë ekonomik apo prodhues të caktuar në treg.

Duke vepruar në këtë mënyrë Autoriteti kontraktues ka shkelur nenin 7 dhe 28 të Ligjit në fuqi për prokurimin publik në Republikën e Kosovës.

**Në paragrafin 1** në mënyrë decidive thuhet se "Autoriteti kontraktues do t'i trajtoj operatorët ekonomik në mënyrë të barabartë dhe jo-diskriminuese dhe do të veprojë në mënyrë transparente".

**Paragrafi 2** parashevë se " Autoriteti kontraktues nuk do të ekzekutojë asnjë aspekt të aktivitetit të prokurimit në një mënyrë që redukton apo eliminon konkurrencën në mes të operatorëve ekonomik ose që diskriminon në dëm ose në të mirë të një ose më shumë operatoreve ekonomik ".

**Paragrafi 3** "pa e cenuar paragrafin e mësipërm, Autoritetit kontraktues posaçërisht i ndalohet që të përcaktojë nevojat e veta që duhet të përbushen, specifikojë lëndën që do të prokurohet, ndajë ose përbledh sasitë ose artikujt e tjerë që duhet të prokurohen, duke zgjedhur një procedurë të prokurimit, ose duke vendosur një kërkesë ose kriter të përzgjedhjes ose specifikacion teknik që në ndonjë mënyrë ka për qëllim të favorizojë ose diskriminojë kundër njërit ose më shumë operatorëve ekonomik".

**Në paragrafin 4** parashihet se "Autoriteti kontraktues nuk do të krijojë ose imponojë dhe do të marrë të gjitha masat e nevojshme për të parandaluar krijimin ose imponimin e rrethanave ose kushteve që rezultojnë në diskriminim territorial, fizik, material, personal ose organizativ ndërmjet operatorëve ekonomik".

Ndërsa **paragrafi 2 i nenit 28** parashevë se "Autoriteti kontraktues do t'i përpilojë specifikimet teknike në atë mënyrë që ato të janë në përputhje me qëllimin e prokurimit dhe të drejtuara drejt sigurimit të qasjes sa më të mirë për të gjithë operatorët e interesuar ekonomik dhe tenderuesit. Autoriteti kontraktues është veçanërisht i ndaluar që të hartojë specifikime teknike që favorizojnë ose diskriminojnë një ose më shumë operatorë ekonomik".

Si dhe **paragrafi 7** parashevë se " Autoriteti kontraktues nuk do të përpilojë specifikimet teknike që i referohen një artikulli ose burimi të veçantë, ose një procesi të hollësishëm, ose ndonjë shenje dalluese, lloji ose origjine të veçantë ose ndonjë prodhimi. Pavarësisht nga e mësipërmja, Autoriteti kontraktues mundet, që në kushte të jashtëzakonshme, të hartojë specifikime teknike ose të bëjë një referim të tillë të veçantë, nëse autoriteti kontraktues në mënyrë të qartë vërteton se, nuk është e mundur që të përpilojë një specifikim mjaft të saktë dhe të kuptueshëm të lëndës së kontratës përkatëse, në pajtim me paragrafin 3-6. të këtij nenit ose ndryshe; me kusht që, çfarëdo referimi i tillë të shoqérohet me fjalët "ose ekuivalent".

Veprimet e Autoritetit Kontraktues, konsiderojmë se bien ndesh me nenin 7 Barazia në Trajtim/Jo-Diskriminim nenin 27 Dosja e Tenderit, nenin 28 Specifikimet teknike, të Ligjit për Prokurimin Publik nr. 04-L/042 i plotësuar dhe ndryshuar me Ligjin nr. 04/L-237, Ligjin nr.05/L-068 dhe Ligjin nr. 05/L-092, si dhe nenin 20 të Rregullave dhe Udhëzuesit Operativ për Prokurimin Publik.

Konsiderojmë se shkelje të tillë nuk duhet lejuar në aktivitete të prokurimit, andaj Agjencia kundër Korruptionit rekomandon që të evitohen këto shkelje, përmes njofimit standard për informata shtesë

dhe për përmirësimin e gabimeve, duke i njoftuar Operatorët të cilët e kanë tërhequr dosjen e këtij tenderi.

Po ashtu ju njoftojmë se lidhur me këto të gjetura do të njoftohet Komisioni Rregullativ i Prokurimit Publik – KRPP.

Autoritetet kontraktuese e informojnë Agjencinë për veprimet e ndërmarra.

*Me respekt !*

